



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Thomæ A Kempis Canonici Regularis Ord. S. Augustini De
Imitatione Christi Libri Quatuor**

Thomas <von Kempen>

Coloniæ, 1723

XI. De pace acquirenda, & zelo proficienoi.

[urn:nbn:de:hbz:466:1-45773](#)

C A P U T X I .

De pace acquirenda , & zelo proficiendi.

1. **M**ULTAM possemus pacem habere , si non vellemus nos cum aliorum dictis & factis , & quæ ad nostram curam non spe-
ctant, occupare.

Quomodo potest ille diu in pace manere , qui alienis curis se intermi-
scet ; qui occasiones forinsecus quæ-
rit ; qui parum vel raro se intrinse-
cus colligit ?

Beati simplices, quoniam multam pacem habebunt.

2. Quare quidam Sanctorum tam perfecti & contemplativi fuerunt?

Quia omnino seipso mortificare ab omnibus terrenis desideriis stu-
duerunt : & ideo totis medullis cor-
dis Deo adhærere , atque liberè sibi vacare potuerunt.

Nos nimirum occupamur pro-
priis passionibus , & de transitoriis
plimis sollicitamur.

Raro

Rarò etiam unum vitium perfetè vincimus , & ad quotidianum profectum non accendimur : ideo frigidi & tepidi remanemus.

3. Si essemus nobis ipsis perfectè mortui , & interius minimè implicati : tunc possemus etiam divina sapere , & de cœlesti contemplatione aliquid experiri.

Totum & maximum impedimentum est, quia non sumus à passionibus & concupiscentiis liberi; nec perfectam sanctorum viam connamur ingredi.

Quando etiam modicum adversitatis occurrit , nimis citò dejicimur , & ad humanas consolationes convertimur.

4. Si niteremur, sicut viri fortes, stare in prælio : profectò auxilium Domini super nos videremus de cælo.

Ipse enim certantes , & de sua gratia sperantes , paratus est adjuvare: qui nobis certandi occasiones procurat, ut vincamus.

Si tantum in istis exterioribus obseruantur.

servantiis profectum religionis ponimus, citò finem habebit devotio nostra.

Sed ad radicem securim ponamus: ut purgati à passionibus, pacificam mentem possideamus.

5. Si omni anno unum vitium extirparemus, citò viri perfecti efficeremur.

Sed modò è contrario sàpe sentimus, ut meliores & puriores in initio conversionis nostræ nos fuisse inveniamus, quàm post multos annos professionis.

Fervor & profectus noster quotidie deberet crescere: sed nunc pro magno videtur, si quis primi fervoris partem posset retinere.

Si modicam violentiam faceremus in principio, tunc postea cuncta possemus facere cum levitate & gaudio.

6. Grave est, assueta dimittere: sed graviùs est, contra propriam voluntatem ire.

Sed si non vincis parva & levia, quando superabis difficilia?

Refi-

Resiste in principio inclinationi tuae, & malam dedisce consuetudinem : ne forte paulatim ad majorem te ducat difficultatem.

O si adverteres quantam tibi pacem, & aliis laetitiam faceres, teipsum benè habendo; puto quòd sollicitior essem ad spiritualem profectum!

C A P U T XII.

De utilitate adversitatis.

I. **B**ONUM nobis est, quòd aliquando habeamus aliquas gravitates & contrarietas; quia sàpè hominem ad cor revocant, quantum se in exilio esse cognoscat, nec spem suam in aliqua re mundi ponat.

Bonum est, quòd patiamur quandoque contradictores, & quòd male & imperfectè de nobis sentiatur, etiam si benè agimus & intendimus. Ista sàpè juvant ad humilitatem, & à vana gloria nos defendunt.

Tunc enim melius interiorm testem Deum quærimus, quando foris vili-